



Reglament per la premiaziun da Lavurs da matura en connex cun la plurilinguitad grischuna

Tgi dastga sa participar?

- Scholaras e scholars che frequentan in gimnasi grischun.

Quals èn ils criteris per sa participar?

- La lavur è scritta en ina lingua uffiziala dal chantun Grischun (DE, IT, RM idiom u RG) e stat en stretga relaziun cun la plurilinguitad grischuna (incl. dialects).
- La lunghezza da la lavur sto muntar ad almain 20 e max. 40 paginas da text (senza registers ed agiunta. Valur directiva: Grondezza da la scrittira 11, distanza da la lingia 1.5). I po dar excepziuns.
- La part en scrit da la lavur è vegnida validada a la scola almain cun in "bun" (nota 5,0 e pli auta).
- Las victuras ed ils victurs dals premis sa decleran pronts da preschentar publicamain la lavur en cas da basegn.

Cura èsi d'inoltrar la lavur?

- Termin final per l'inoltraziun è ils 15 da mars 2024.

Co ston ins inoltrar la lavur?

- Las lavurs ston vegnir inoltradas en furma da palpieri (1 exemplar, na sto betg esser lià) e sco document da PDF (stick USB u per email) ensemen cun ina brev accompagnanta datada e suttascritta da la persuna d'instrucziun responsabla.
- En la brev accompagnanta (max. 1 pagina) duai vegnir inditgà, pertge che la lavur è degna da vegnir resguardada. En la brev accompagnanta ston vegnir inditgada la validaziun da la part en scrit (nota).

Quant auta è la summa dals premis?

- Pro onn vegnan premiadas maximalmain trais lavurs cun in premi da mintgamai 500 fin 1000 francs.
- Sch'i na vegnan betg inoltradas lavurs suffizientmain bunas, poi vegnir desistì da surdar in premi.
- La surdada dal premi (lieu e termin) ha lieu en cunvegrientscha cun la candidata u cun il candidat e cun sia scola.
- Il premi vegn surdà dal Departament d'educaziun, cultura e protecziun da l'ambient dal chantun Grischun.

Tenor che criteris vegnan las lavurs validadas?

- Autonomia
- Originalitad
- Relevanza
- Correctadad formala e dal rom
- Brev accompagnanta (motivaziun) da la persuna d'instrucziun responsabla

Da tgi vegnan validadas las lavurs inoltradas?

- Las lavurs vegnan validadas d'ina giuria da pliras persunas tenor ils criteris fixads. Il Post spezialisà per la plurilinguitad metta ensemen la giuria e maina quella.

Tge stoss jau uschiglio anc savair?

- Las lavurs premiadas pon vegnir publitgadas en furma digitala (cun eventualas correcturas) sur ils chanals dal Post spezialisà per la plurilinguitad
- Las lavurs premiadas vegnan annunziadas en ina comunicaziun a las medias.
- Publicaziuns e comunicaziuns a las medias dovran il consentiment da l'autura resp. da l'autur.

A tge adressa sto vegnir inoltrada la lavur?

Post spezialisà per la plurilinguitad
Quaderstrasse 17
7001 Coira

Alberto.Palaia@ekud.gr.ch

081 257 44 65